



Broj: 02-11-3351-2/26
Zenica, 09.04.2026. godine

Na osnovu člana 68. stav 4) tačka i) člana 70. stav 1., 3. i 6. Zakona o javnim nabavkama («Službeni glasnik BiH», broj: 39/14, 59/22), na prijedlog Službe za zajedničke poslove, Gradonačelnik grada Zenica donosi:

O D L U K U

o izboru najpovoljnijeg ponuđača za nabavku i isporuku školskih anatomskih ruksaka za učenike prvog razreda osnovne škole, za potrebe manifestacije „Sretno đaci prvaci” u 2026. i 2027. godini

Po provedenom otvorenom postupku, za nabavku i isporuku školskih anatomskih ruksaka za učenike prvog razreda osnovne škole, za potrebe manifestacije „Sretno đaci prvaci“ u 2026. i 2027. godini, objavljenog na portalu javnih nabavki, broj: 1355-1-1-21-3-63/26 od 26.02.2026. godine, i u Službenom glasniku BiH broj: 18/26 od 06.03.2026. godine, za najpovoljnijeg ponuđača izabran je:

„PAPER STAR“ d.o.o. Zenica

O b r a z l o ž e n j e

Po provedenom otvorenom postupku, za nabavku i isporuku školskih anatomskih ruksaka za učenike prvog razreda osnovne škole, za potrebe manifestacije „Sretno đaci prvaci“ u 2026. i 2027. godini, učestvovali su sljedeći ponuđači:

1. „AERO EXCLUSIVE“ d.o.o. Sarajevo
2. „PAPER STAR“ doo Zenica
3. „R&S“ d.o.o. Sarajevo

Ponuda ponuđača „PAPER STAR“ doo Zenica ispunjava sve uslove iz tenderske dokumentacije, dok ostale ponude ne ispunjavaju uslove iz sljedećih razloga:

Ponuda „AERO EXCLUSIVE“ d.o.o. Sarajevo

Izmjenom tenderske dokumentacije broj: 18-11-3351-9/26 propisano je: 3.3 “Uspješno iskustvo, u realizaciji jednog ili više ugovora čija su karakter i kompleksnost isti ili slični onima koje se odnose na predmetnu nabavku u predhodne tri godine, čija kumulativna/zbirna vrijednost svih ugovora mora biti jednaka ili veća od 57.000,00 KM bez PDVa. Pod sličnim poslovima će se cijeliti nabavka ruksaka i školskog pribora. “

Ponuđač „AERO EXCLUSIVE“ d.o.o. Sarajevo je dostavio dvije Potvrde o uspješnoj realizaciji ugovora i to:

- Potvrda Grada Zenica, broj: 11-45-8725/24 od 19.04.2024. godine u vrijednosti od 53.946,00 KM bez PDV-a;



GRAD ZENICA

- Potvrda o dobro izvršenom ugovoru izdata od Predstavništva strane nevladine organizacije KATAR ALKHAIRA-QATAR CHARITY, broj: 01/8000/64 od 25.04.2023. godine, u vrijednosti od 25.641,03 KM bez PDV-a.

Iz dostavljene potvrde od Predstavništva strane nevladine organizacije KATAR ALKHAIRA-QATAR CHARITY, broj: 01/8000/64 od 25.04.2023. godine evidentno je da je vrijeme isporuke bilo dana 28.02.2023. godine, a što predstavlja period duži od tri godine, te se ista ne može prihvatiti sukladno citiranim odredbama tenderske dokumentacije.

Preostali iznos iz druge potvrde nije dovoljan, odnosno nije jednak ili veći od 57.000,00 KM bez PDV-a, stoga ponuda ne ispunjava uslov iz tenderske dokumentacije i ista se odbacuje, shodno članu 68. stav 4) tačka i) ZJN.

Ponuda „R&S“ d.o.o. Sarajevo

Tenderskom dokumentacijom, tačka 3.3. alineja II) propisano je da je ponuđač dužan dostaviti deklaraciju proizvođača ruksaka, međutim ponuđač „R&S“ d.o.o. Sarajevo je u svojoj ponudi dostavio deklaraciju dobavljača ruksaka, a ne proizvođača, a što nije u skladu sa propisanim uslovom iz tenderske dokumentacije.

Dalje, iz dostavljene deklaracije utvrđeno je da ruksak ne posjeduje četiri izvišena plastična čepa/nogice na kojima ruksak stoji kako je zahtjevano Aneksom II, a što je dodatno utvrđeno i dostavljenim uzorkom ruksaka.

Zbog navedenog, ponuda ponuđača „R&S“ d.o.o. Sarajevo ne ispunjava uslove iz tenderske dokumentacije, i ista se odbacuje u skladu sa članom 68. stav 4. tačka i) Zakona o javnim nabavkama i ne ulazi u dalju evaluaciju ponuda.

Procijenjena vrijednost za javnu nabavku iznosila je 114.000,00 KM bez PDV-a.

Procjena ponuda i rangiranje, dati su u Zapisniku Komisije, broj: 18-11-3351-9/26 od 07.04.2026. godine, a izvršeni su na osnovu Poslovnika o radu komisije, broj: 18-11-3351/26 od dana 23.02.2026. godine.

S obzirom da je za nabavku i isporuku školskih anatomskih ruksaka za učenike prvog razreda osnovne škole, za potrebe manifestacije „Sretno đaci prvaci“ u 2026. i 2027. godini, dostavljena samo jedna prihvatljiva ponuda, za isti se e-aukcija neće provesti shodno članu 4. stav 2. Pravilnika o uslovima i načinu provođenja e-aukcije i tenderskom dokumentacijom.

Iz navedenog Zapisnika proizilazi da je ponuđač bodovan kako slijedi:

R.B.	Naziv ponuđača	Cijena u KM bez PDV-a	Bodovi
1.	„PAPER STAR“ d.o.o. Zenica (Talića brdo 11., 72000 Zenica, ID: 4218808090007)	113.982,00 KM	100

Ugovorni organ je izvršio izbor najpovoljnijeg ponuđača „PAPER STAR“ d.o.o. Zenica, na osnovu bodovanja koje je izvršila Komisija formirana od strane Ugovornog organa, Rješenjem broj: 02-11-3351-1/26 od 23.02.2026. godine.

Na osnovu izloženog, odlučeno je kao u dispozitivu.



BOSNA I HERCEGOVINA
FEDERACIJA BOSNE I HERCEGOVINE
GRAD ZENICA

Pouka o pravnom lijeku

Protiv ove Odluke može se izjaviti žalba Uredu za razmatranje žalbi, putem Ugovornog organa: Grad Zenica, Služba za zajedničke poslove, Trg BiH 6, 72 000 Zenica, u roku od 10 (deset) dana od dana prijema Odluke.

Žalba se podnosi u 3 (tri) primjerka, kako bi mogla biti uručena izabranom ponuđaču, Uredu za razmatranje žalbi i Ugovornom organu.

Žalba se podnosi neposredno Ugovornom organu u pisanoj formi.

Dostavljeno:

3 x Ponuđači

1 x Tenderska dokumentacija

1 x Služba za zajedničke poslove

1 x a/a

